



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Illvstrivm Miracvlorvm Et Historiarvm Memorabilivm Lib. XII

Caesarius <Heisterbacensis>

Antverpiae, 1605

De corporali infuso, in quo sa[n]guis humanus apparuit, c. 23.

**urn:nbn:de:hbz:466:1-13177**

**S**imilis casus contigit apud nos, sine tamen dissimili. Cùm sacerdos quidã in ecclesia, cuius nomen excidit, sicut & sacerdotis, Missam festinãter & negligentem diceret, calicem fudit; timens verò pro tanta negligentia, si ad aures prælatorum deueniret, diutius ab altaris officio suspendi, casum suppressit, dictaque Missa, corporale cõplicauit & abiectum aestimabat enim quia nemo vidisset: erat autem sacerdos ille, & fortè adhuc est, malè vitæ, vagus & negligens valde. Campanarius verò, quem negligentia minimè latuerat, post discessum sacerdotis corporale reuoluit, & ecce sanguis rubens ac madens in omnibus partibus, per quas liquor calicis defluerat apparuit: territus homo de tam mirabili visione, statim Coloniam cucurrit, Conradum nunc Præpositum maiorem tunc Decanum ceterosque priores conuenit, & quid prædicto sacerdoti contigerit, quidve viderit, per ordinem recitauit. Cui præceptum est, vt tali die allato secum corporali Coloniam rediret, vt & veritatem plenius agnoscerent, & qualiter de tanta negligentia satisfaciendum esset, plenius deliberarèt. Ego eodè tempore veni Coloniam, & recitata sunt mihi omnia hæc à Bernardo maioris ecclesiæ canonico. Quid verò post hæc actum sit, non intellexi. Est ne tibi adhuc satisfactum, tot & tantis exemplis, an adhuc plura requiris? **APOLLONIVS:** Sic mihi satisfecit oratio tua, vt iam non dico credam, sed quod amplius est, sciam post consecrationem sub specie vini verum esse sanguinem **CHRIST I:** cùm enim Apostolus dicat, fidem esse substantiam rerum sperandarum, argumentum non apparetium, quæ visu tam manifestè, vt dictum est, percipiuntur, iam non creduntur, sed sciuntur: quod sub tam multiplici testimonio visum est, me vidisse reputo. **CÆSARIUS:** Adhuc subiungam duo exempla, per quæ cognosces, quòd etiam quandoque Dominus in simplici liquore operetur miracula, ad honorem tanti sacramenti.

Hebr. XI.